



*Jumat, 22 Desember 2023*  
**Ogen: 1 Samuel 1: 19-23**



**Kupindo Man Tuhan**



Samuel e me ulih pertoton Hana. Samuel iertina Tuhan megikensa. Ibahan gelarna sie erkiteken nggo ibegi Tuhan kai si jadi pemindon Hana. Emaka kai si ipindo Hana man Tuhan denggo iendeskenka ka man Tuhan sebab igejap Hana maka kai si ipindona man Tuhan labo kap sikerajangenna rasa lalap tapi tetap nge sikerajangen Tuhan.

Nterem kalak banci bagi Hana enda, ngarapeken pupus i tengah-tengah jabu. Ertoto la erngadi-ngadi, ertambar ras program ku dokter guna ndatken pupus. Kenca nggo dat, nggo ibereken Tuhan, lit nge komitmen maka si endesken ka anak enda man Tuhan? Labo terjeng iperidiken ntah ingawanken, labo ka arus ia pagi jadi Pandita, tapi si terbelinen asa si e, eme nggeluh i bas pengajaren Tuhan mulai kitik-kitikna nari.

Sabap bagi nina sada buku maka anak belajar dari apa yang mereka alami dalam kehidupan ini. Adi rembanglah ia nggeluh i bas kegeluhen si mehuli entah la mehuli tentu enda mereken ngaruh ku bas kegeluhenna pagin Enda me si jadi ibas diri Hana, erkiteken ipindona ibas Tuhan nari kerna pupus, maka ipadankenna maka anak si ipindona man Tuhan labo jadi sikerajangenna tapi jadi sikerajangen Tuhan. Emaka kenca Samuel ngadi minem maka ia pe tading i Rumah Tuhan.

Adi anakta nggo sialoken i bas Tuhan nari maka baba ka lah ia mulih man Tuhan alu ngaloken pengajaren si benar ibas Tuhan. Baba anakta ku sekolah minggu, ku kebaktian remaja bagepe kenca ia ingawanken singetken ia gelah ikut ras aktif ibas Permata. Min buen waktu anakta ibas Rumah Tuhan (ertina aktif ibas dahin-dahin gereja) asangken waktuna ibas dahin-dahin doni enda. Gelah alu bage ia pe banci jadi anak-anak si malang man Tuhan ras jadi anak si erbanca malem ate orang tua.

*➤ Anak e pemere Dibata, tetap babai ku Dibata*